

第七册

卷之十

藝文碑記

記

武濟縣志

第七册

建寧縣志

卷之四

論音

宸章

巡幸

卷之一

星土

建置沿革

形勝

六景附

疆域

城池

坊第附

公署

倉庫附

學校

義學

生員額數附

里社

集市

卷之二

田賦

戶口

起運

存留

課程

剝船

撥補

卷之三

河渠

橋梁附

武備

秩祀

祠宇附

郵傳

卷之四

古蹟

寺觀

風俗

物產

機祥

卷之五

職官

卷之六

選舉

卷之七

名宦

褒封

流寓

仙釋

卷之八

人物 附內臣

卷之九

列女

卷之十

藝文 章奏 申詳條議

卷之十一

藝文 碑記

卷之十

藝文 序 傳 墓誌 詩

卷之末

原序 跋

清縣志卷之十一

碑記

明

河西務漢前將軍關壯繆侯廟記畧

米萬鍾

距雍奴東北一舍而遙有關市焉以其在白河
之西曰河西務居然重鎮也故權部駐是市口
舊有漢關侯廟建自勝國一新於弘治丙寅再
新於萬歷丁丑至辛亥夏淫霖爲虐隄潰侯之

廟正當其衝樓廡雖壞殿宇屹立如故殿右居
民賴以存衆苟侯庇復謀所以新廟而鳩工未
集明年萬鍾來董關政益以奉錢殿廡門垣丹
堊相錯層櫺外障可永無虞雍奴故隸涿郡侯
與昭烈帝張桓侯奮迹之區神貺宜先及之其
爲白河禦災捍患必然矣侯之封爵或由僞命
或後代追尊惟壯繆謚自漢主知侯所樂從故
從之

修武清縣磚城記

武清縣故土城距都僅百里餘距鈔關僅一舍
地萑苻伏發靡常庫庖一故土城距可遮颺風
震雨之盜哉會總督劉公議城京南武清諸縣
大加甃圖保障疏於朝報可遂下檄諸道趨行
之復推擇叅將姚君俾主武清城事蓋重難之
也先是令尹段君與姚經始忽調去張君來代
之益治具飭工與姚共姚亦用心協謀相祇事
無敢逸初畫城事聞有爲三合土議者衆噉噉
可否持兩端幾淆亂矣姚上言公公下令當甃

邑士大夫及二三父老俱稱便遂甃城城大役也費甚廣公念畿輔連大供億恐重困民乃與巡撫楊公謀發庫銀四千兩以助役城半費且未已張察廢寺有木石議取其材爲城用未決請於公公命亟毀之張乃撤寺凡十數區得木石等材凡千餘數敕吏登諸籍遇城缺卽按籍取用一不以徵於民而姚素憚公威嚴朝夕在工相高卑揣厚薄計遠近視堅柝去圯就固必旣乃心至覲視畚鍤與徒作相勞苦雖丈尺繩

墨之間至爲眇小亦不盡以委之匠氏焉張亦
矢心與姚偕事須徒則徒須材則材凡城事人
無衆寡材無纖鉅咸治治必盡其力嘗自謂增
俾繕墮長吏職也今令勤督府奏重申畫何敢
渝懈苟且從事以自偷者哉而大持小維咸相
於厥成蓋姚張盡思無不力城事以承公休者
閱三歲成城城且堅邑人至目之爲鐵城云余
惟帝王撫有天下建萬國以綏兆民必先立之
城廓環之溝池然後分田授宅開廛立市以次

而完其生理焉凡以民保於城非城則民不能
自存譬之居室垣墉之不高扃鑰之不謹盜將
入而殺之矣寧自保哉余往在塾時聞鄉長老
言正德辛未之季流民劉六七輩直走武清闖
市中殺吏民劫庫獄焚廬舍慘不可言嗟乎使
其時有今城生民之禍必不至是矣此其效可
昭然覩也公到鎮卽首議及城此其爲天下國
家之慮顧不謂識其大者要者歟繼自今武清
之民蚤而作暮而息時而耕安而織優游閭里

以養衰老長子孫永無刼掠殺戮之患公之功
德及人於是乎洪博矣然一時諸縣俱城獨武
清稱壯又以見姚張兩人之才且知殫力於城
圖經久非崇飾虛文苟目前無禪實用者兩人
其賢哉諸生周鍾曹文奎等偕耆老張釗數人
來請記是用書此勒諸石以垂之永久安工枋
於隆慶之三年六月訖於五年八月週一千四
百七十丈高三丈廣一丈門各有樓樓各有署
東遼海揚威西太行獻秀南控引畿服俱出入

通往來北拱翼神京獨不啟門基窿窿勢轟轟
用朝宗於

宸居角樓四敵臺十有六以備捍禦水門一橋三
以防障塞蓋設險之義盡矣總督劉公名應節
原任順天巡撫歷陞總督兵部左侍郎山東人
巡撫楊公名兆都察院右僉都御史陝西人姚
名龍順天人段名雲鴻雲南人張名鵬山西人
兵備副使蔡公名可賢又調山西按察司北直
隸人吳公名允歷陞宣府都御史浙江人先督

視有功其縣丞王元麟艾繇經歷黃槃陞任典史彭時歷任典史曾述儒學教諭孟宗魯訓導周暉以嘗有執事在工因併其名於後

本縣城隍廟碑記

邑人

王維垣

嘉靖三十七年戊午春三月輦石於山礮石成碑徵文載石以告成功繫維神之有廟其來舊矣廟者貌也所以象之也神固不可象然設其廟貌之尊嚴凡瞻仰之餘拜謁其下者肅肅然而起敬敬心生而氣卽感通通則其神來格洋